

SUDSKA HRONIKA: SLUCAJ KRAJISNIK & PLAVSIC

Author: [IWPR](#)
[ICTY](#)

Bivsa predsjednica bosanskih Srba priznala vlastitu odgovornost za ratne zlocine.

Bivsi predsjednik Republike Srpske (RS), Biljana Plavsic, prosle je sedmice usla u istoriju kao prvi bosanski lider koji je pred tribunalom priznao sopstvenu krivicu za ratne zlocine pocinjene tokom rata 1992-95.

Plavsicka je - kao neko koga su, zbog nemilosrdne vladavine, svojevremeno nazivali i "gvozdena dama" - potvrdila vlastitu odgovornost za progon nesrpskog stanovnistva u Bosni, koji je tokom sukoba bio vrsen na vjerskoj, rasnoj i politickoj osnovi. Ona je dakle priznala da je svojim ponasanjem doprinijela prisilnom raseljavanju vise desetina hiljada Bosnjaka (Muslimana) i Hrvata.

Branilac Plavsicke Judzin O'Saliven je pred sudom procitao izjavu u kojoj je njegov klijent izrazila zaljenje i porucila kako se "nada da ce pruziti utjehu svim nevinim zrtvama bosanskog rata".

Portparol glavnog tuzioca Florans Artman je opisala Plavsickinu odluku kao "vazan korak u procesu pomirenja. Ovo je prvi put da jedan visoki rukovodilac bosanskih Srba priznaje da je zgrijesio, izrazava pokajanje i pruza ruku pomirenja zrtvama".

Nakon sto je optuzena za genocid, krsenje zakona i obicaja ratovanja i zlocine protiv covjecnosti, Plavsicka se u januaru 2001. predala tribunalu. Tada je izjavila da se ne osjeca krivom ni po jednoj tacki optuznice. S obzirom da je prosle sedmice izmijenila svoj iskaz po trecoj tacki, tuzilac Mark Hermon je najavio da ce odustati od ostatka optuznice.

O'Saliven je naglasio da priznanju optuzenice nije prethodio nikakav dogovor s tuzilastvom, te da je Plavsicka svjesna toga da joj prijete mogucnost dozivotne kazne. Prilikom obracanja sudu posredstvom video-linka, Plavsicka je bila toliko tiha da ju je sudija Ricard Mej zamolio da ponovi svoj iskaz. Pretpostavlja se da je govorila iz Beograda, buduci da joj je - nakon sto je 6. septembra 2001. privremeno pustena na slobodu - sud dozvolio da u tom gradu priprema vlastitu odbranu.

S druge strane, ostaju optuzbe protiv Momcila Krajisnika koji je, kao bivsi predsjednik skupstine bosanskih Srba i navodno kljucna osoba tokom bosanskog rata, optuzen zajedno s Plavsickom. Krajisnik ce u pritvorskoj jedinici u Sheveningenu ostati sve do pocetka sudjenja, koje se ocekuje najkasnije za cetiri mjeseca.

Plavsicka je demantovala spekulacije da ce dobrovoljno svjedociti protiv Krajisnika ili Slobodana Milosevica. Njeno priznanje krivice je osmo takvo priznanje pred tribunalom od njegovog prvog sudjenja 1996.

Mirna Jancic je pomocni urednik IWPR; Chris Stephen je specijalni dopisnik IWPR iz Haga i rukovodilac projekta.

Focus: [Medunarodni krivicni sud za bivsu Jugoslaviju](#)

Source URL: <https://iwpr.net/sr/global-voices/sudska-hronika-slucaj-krajisnik-plavsic>